

**“Denuncia dei redditi”:** cun osta firma sön la “denuncia dei redditi” o söl mod. CU podëise destiné l’8‰ ala Dlijia Catolica y cun chësc ester de gran aiüt ala Dlijia. Dër bel giulan.

**Iade a Santa Rita da Cascia ai 26 y 27 de ma 2015**

Ma por les “Rites” de düta la Val Badia vëgnel organisé n iade a Santa Rita da Cascia (Umbria). La festa foss ai 22 de ma, mo deache an ne ciafa nia post sará l’iade l’edema do. Präibel prenotesse cina ai 26 de aurí por odëi tan de interess ch’al é, ince por aposté n pice o n maiú auto cina a 30 porsones. Le cost foss ca. 200 €. Telefonede a Rita Verginer da S.Martin **335/1019128**. Le program vëgn spo metü jö y comuniché a so tëmp; ince siur degan Iaco Willeit vëgn para.

**Iade da Padre Pio:** en pëia ia la jöbia, ai 30.04.2015 cina ala domënia 03.05.2015 . De revers sarál la domënia na mëssa dales 10:00 a Loreto. Prenotesse al nr. 0474/520013 cina ai 20 de aurí.

**Te biblioteca:** “Der kleine Rabe Maxl unterwegs in Südtirols Bibliotheken” – Der kleine Rabe Maxl und sein Assistent zeigen auf, wie wichtig erneuerbare Energien sind, wie sie funktionieren und wie sie in unserem Land eingesetzt werden – por mitans y mituns da 8 a 10 agn en mercui ai 15.04.2015, dales 15:00 te biblioteca a Pedraces.

**Proiet „Memoria Ladina“: cuntede Osta storia y partide Osc savëil**

Le proiet „Memoria Ladina“ documentëia i recorc y i savëis dla popolaziun tla Val Badia. Al vëgn chirí cosses, retrac y stories olache i aratëis che ai ais da nen fá de val’ vers cun „Cultura Ladina“ o che dijes valch dl „ester Ladin“. Le patüc racoiü gnará digitalisé y metü te n archif digital online. Emanuel Valentin gnará a splighé le proiet en domënia, ai 26/04/2015 do mëssa. Informaziuns: Tel. 333/6919097, Email: [MemoriaLadina@ev-aa.org](mailto:MemoriaLadina@ev-aa.org), Internet: <http://memorialadina.tumblr.com/>

**Le grup LOJO (Lobby Jogn)** tëgn na sëra cun Ingrid Daprà sura l’aprendistat y cun Giorgio Costabiei che baiará di practicums, dl marcé y poscibilités de laur por i jogn. Domandes po gní portades dant en chësta sëra, ai 13.04.2015 dales 20:00 te Raiun Sozial a Picolin. Jogn, geniturs y interessá é invia a tó pert.

**Teater:** la Uniun Teater La Val inviëia da jf a ciaré al toch “La nücia dl malan” ai 11, 17 y 18 de aurí dales 20:30 o ai 12 o 19 de aurí dales 17:00 te salf dles manifestaziuns a La Val. Prenotaziuns al nr.338/9639893.



Tel./Fax 0471 839571 - E-Mail: [parrocchiabadia@libero.it](mailto:parrocchiabadia@libero.it) - [www.valbadiaonline.it](http://www.valbadiaonline.it)

Nr. 20


Edema: 12.04.– 19.04.2015

**Vangele dla Dumënia che vëgn - 3° de Pasca „B“**

Luc. 24.35-48

I dui discepui, che ê gnüs derevers da Émmaus, ti á cunté ai ònesc y ai atrí discepui, ci ch’al ti ê sozedü sön tru y sciöche ai á conesciü Gejù, canch’al rumpî le pan. Ciamó tratan ch’ai baiâ de chësc, él gnü instës amesa ëi ite y ti á dit: Pësc a os! Ai s’á spordü y se temô dassënn, ciodí ch’ai minâ ch’ai odess n spirit. Dailó ti ál dit: Ciodí sëise pa döt spordüs? Ciodí dubitëise pa te osc cör? Ciaredi a mies mans y a mi pîsc: I sun iö instës. Piédeme ite, y ode-de: Degun spirit n’á cern y osc, sciöch’i odëis pro me. Pro chëstes parores ti ál mostré sües mans y sü pîsc. Ai se fajô demorvëia, mo dala ligrëza n’ësi nia ciamó bugn da crëie. Dailó ál dit: Èise val’ da mangé chiló? Ai ti á dé n toch de pësc apraté; al l’á tut y l’á mangé dan sü edli. Spo ti ál dit:

Chëstes é les parores, ch’i ves á dit, canch’i ê ciamó pro os: Döt mëss s’ademplí ci che é scrit de me tla lege de Mosé, pro i profec y ti salms. Sön chëra ti ál daurí l’intelet ch’ai capiss les scritöres. Al ti á dit, insciö stal tla Scritöra: Le Messia sofrirá y ressoriará dai morc le terzo de, y te so inom ti incundaran a düc i popui, scomencian te lerúsalem, ch’ai dess dé ota, por che sü picíá vëgnes pordená. Os sëis de chësc mi testemoni.



**„Friede sei mit euch“  
„Pace a voi“**

## FUNZIUNS SACRES

### 12.04. II.DOMËNIA de PASCA – Domënia Blanca

*Domënia dla Divina Misericordia*

10.00 Mëssa por la Comunità

18.00 †ta Sabina Campej - aniversar

†to Giarone Vittur - aniversar

†ta Angela Dariz - aniversar

†ti dla fam. Sandro y Emma Costa



### 14.04. Mertesc – Mëssa cun l'Seniorenclub (te ciasa Runcher)

**14.00** †ta Regina Canins – aniversar

†to Antonio Palumbo

†ti Franz y Marianna Piccolruaz

### 15.04. Mercui - Mëssa cun i scolars

07.30 †ta Zenzl Bertuolo - aniversar

†to Emilio Valentini de Col d'Anví

por les püres animes

### 16.04. Jöbia – Mëssa cun i cresimanc y studënc

19.30 †ta Amalia Alfreider Irsara - aniversar

†ti Pitscheider da Ruac

für die Wohltäter

### 17.04. Vëndres

07.30 †tes Maria y Celestina Costa - aniversar

†tes Albina y suor Luciane Pizzinini - aniversar

por fam. Franz Campej en onur y renger. a S.Maria

### 18.04. Sabeda

16.00 Mëssa a Oies

### 19.04. III. DOMËNIA de PASCA

**09.00** Mëssa por la Comunità y benedisciun dla scola

18.00 †to Sepl Daprè - aniversar

†to Siegfried Winkler

†ti Tone y Rosina Pitscheider

## Dala VITA dla CÜRA

### Ann de Iubileum dla Divina Misericordia 2015/16

La Domënia do Pasca – Domënia Blanca vëgn ince festejada « Domënia dla Divina Misericordia ». I savun che nosc Papa Francësch tëgn dër sön la gran bunté dl Signur, che deura a tan y tan de porsones les portes ala fede y speranza.

Insciö á nosc Papa ince proklamé n **Ann Sant** dla « Divina Misericordia » dal 8 de dezëmbër 2015 ai 20 de novëmbër 2016.

I se metun nos düc y tan de porsones che se stá a cör tles mans dla Misericordia de Dî, che ó düc se condüje ala salvëza.

*siur degan*

**Encuntada di geniturs di crejimanc cun siur degan y les catechistes te ciasa di ministranc:** en vëndres, ai 17.04.2015 dales 20:00.

**Benedisciun dla scola:** en domënia, ai 19.04.2015 do la gran mëssa, che sará bele dales **09:00**, gnarál benedí la scola elementara nöia. Düc é dër bel inviá.

**Seniorenclub:** al se abina en mertesc, ai 14.04.2015 dales 14:00 te ciasa dles uniuns por la S.Mëssa. Dedò mostrará Zeno Tolpeit n film söla Tera Santa. Düc é dër bel inviá.

**Prozesciun a Oies:** recordun bel sëgn che la domënia dla proscima edema, ai 26 de aurí, sarál indò la prozesciun y funziun a Oies por perió do vocaziuns.

**Oferta de Carsëma:** dër bel giulan y Dî s'al paies dl'offerta de 3432,18 € + 316,45 € trac ite dai mituns.

**Bibelrunde cun Siur Sepl Granruaz:** chësc iade sarala ai 15.04.2015 dales 20:00 te **colonia a Al Plan** (bas ite). Düc é dër bel inviá.

**Pelegrinaje dles Ères Catoliches en Jeunn:** en sabeda, ai 18 d'aurí 2015. Al sará ince n bus dala Val Badia. Infos y prenotaziuns cina ai 15 d'aurí al tel. 3382430045 (Angela).

**Onoranza:** chësta domënia, ai 12 de aurí do la gran mëssa, ti vëgnel surandé al orghelist Paul la aodla d'or y l'diplom de onur por i 60 agn da orghelist. Le comun de Badia inviëia düta la popolaziun te Ciasa Runcher a fá festa cun ël.